

AU MAZET

Dins un frès e poulit maset,
Fai bon d'ana faire un raset,
Peneja si verdis andano ;
le béure un aire perfuma
Après aguedre bèn trima
Li siei long jour de la semana.

Siègue en iver, siègue en estiéu
Lou cor se i'alongo... on reviéu
Enfaci le bello naturo!
Dins li broundo, lis auceloun,
De longo trason de cansoun:
L'aurèto, ajouguido, murmuro

Uno armounio sènso fin,
Un resihamen mistoulin
Que vous frusto émi si caresso ;
Que fai fugue l'aspre souci
E vous barbèla de plasi
Coumo un sounge plèn de proumessos.

E l'on a lou cor linde e gai;
E mens grèu, l'on sent lou fais
Que perfès vous quicho e vous plego.
L'on ris e t'a rés de malaut ;
On manjo, on bèu coumo de traou ;
1 mège, a i drogo on fai légo.

Rès de segur a mau de dent,
Quand un filet tendre e foundènt,
Flanqua d'un plat de cagaraulo,
Segui d'un redoulènt civet
O d'un canard en' de nabet,
Bèn larda, trôno sus la taulo.

Alor, l'apetis se douvris !
Vengue de car e de pastis,
Li queissau trisson... Tout ié passo.
N'en voulès ? Te n'en vejaqui !
Lis ouro passon sens languï
En babihant coumo d'agasso.

Li fiolo emplido de bon vin,
De cop nous fan parla latin
Sens aguedre fa nosti classo :
E s'aven l'esprit treboula,
Après aguedre proun chourla,
A l'ombro fasèn la radasso.

Aqui, mai urous que de rei,
S'amusa, rire es nosto lei ;
Chima se es nosto poulitico :
E quand de vespre aven fini,
L'endeman voudrian reveni
Refaire un vouvèu pico-nico.

Ah ! ie revendrian plus souvent,
Surtout quand la primo revèn,
Que bourron li souco e li triho ;
Mai, fau reaganta l'outis
Pèr que rèn manque à noste nis :
Avans tout passo la famiho !

Pas dóu maset ! Douço amista !
Espandissès la gaieta
Sus nosti garrigo brulado!
E nous fasès atrouva bèu
Lou bouissoun clafi d'amavèu,
Li roco moussudo e pelado.

A l'ombro dis óulivuè gris
Ounte cacaléjo e bruis
Lou vounvounamn di cigalo:
Longo-mai ié venguen ensèn,
Gousta 'aquéli plat inoucènt,
Aquéli j oio freirenalo !...

Louis BARD